



**JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO**

**INSTITUTION FOR HEALTH
PROTECTION OF WOMEN
AND MOTHERHOOD
CANTON SARAJEVO**

Broj: 10 – 513 -01/16
Sarajevo, 24.03.2016. godine

Na osnovu člana 14. stav (2) tačka b., člana 18. stav (1), člana 25. Zakona o javnim nabavkama ("Sl. glasnik BiH", broj 39/14), člana 30. i 39. Statuta i Pravilnika o javnim nabavkama roba, usluga i radova JU Zavod za zdravstvenu zaštitu žena i materinstva Kantona Sarajevo, a u skladu sa Ugovorom o donaciji između Ambasade Japana u Bosni i Hercegovini i JU Zavod za zdravstvenu zaštitu žena i materinstva Kantona Sarajevo za Projekat nabavke medicinske opreme broj: 10-447-01/16 od 09.03.2016, donosim

ODLUKU

o pokretanju postupka nabavke UZV aparata za potrebe Zavoda za lokalitet Hadžići

Član 1.

Odobrava se pokretanje postupka javne nabavke roba digitalnog ultrazvučnog color doppler aparata sa tri sonde (multifrekventna abdominalna, linearna i endovaginalna) za rad u ginekologiji i akušerstvu za potrebe Zavoda za lokalitet Hadžići, na osnovu specifikacije tehničkih karakteristika UZV aparata, koja je sastavni dio ove Odluke.

Evidencioni broj javne nabavke: OP 10-01/16.

Član 2.

Procijenjena vrijednost javne nabavke (bez PDV-a) iznosi 49.900,00 KM (slovima: četrdesetdevećiljadadevetstotinaKM).

Za sprovođenje javne nabavke osigurana su sredstva iz donacije Ambasade Japana u Bosni i Hercegovini i Zavoda.

Član 3.

Nabavka roba iz člana 1. izvršit će se shodno odredbama Zakonom o javnim nabavkama BiH putem otvorenog postupka propisanog Zakonom o javnim nabavkama BiH i podzakonskim aktima za njegovo provođenje.

Član 4.

Tenderski dokument sačinjit će komisija koja će se imenovati posebnom odlukom u roku od sedam dana, računajući od dana imenovanja Komisije.

Član 5.

Kriterij za dodjelu ugovora je ekonomski najpovoljnija ponuda, sa sljedećim podkriterijima:

- cijena, učešće 80 %,
- rok isporuke od potpisa ugovora, učešće 10 %,
- vrijeme odaziva na servisnu intervenciju od poziva, učešće 10%.

Član 6.

Otvaranje i ocjenu ponuda sprovede će komisija za javne nabavke, u sastavu od tri člana, sljedeće kvalifikacione strukture:

- specijalista ginekologije i akušerstva,
- diplomirani pravnik,
- diplomirani ekonomista.

Sastav i djelokrug rada komisije iz prethodnog stava utvrdit će se posebnom odlukom.

Član 7.

Ova odluka stupa na snagu danom donošenja i objavit će se na internet stranici Zavoda.

OBRAZLOŽENJE

JU Zavod za zdravstvenu zaštitu žena i materinstva Kantona Sarajevo je zaključila je Ugovor o donaciji sa Ambasadam Japana u Bosni i Hercegovini za Projekat nabavke medicinske opreme za potrebe JU Zavod za zdravstvenu zaštitu žena i materinstva Kantona Sarajevo, za lokalitet Hadžići.

Ambasada Japana u Bosni i Hercegovini je izvršila uplati donatorskih sredstava na račun Zavoda u iznosu od 50.559,28 KM, od toga 49.900,00 KM za UZV aparat i 700,00 KM za reviziju. Obzirom da su obezbijedena sredstva za nabavaku UZV aparata, Zavod je u obavezi da provede javnu nabavku u skladu sa Zakonom o javnim nabavkama BiH i podzakonskim aktima.

Pri donošenju Odluke se posebno rukovodilo činjenicom da je za predloženu nabavku realno procijenjena njena vrijednost na tržištu, da su obezbijedena sredstva za isplatu, predložena odgovarajuća vrsta postupka, te da predloženi sastav komisije po stručnosti odgovara predmetu javne nabavke.

Imajući u vidu navedeno odlučeno je kao u dispozitivu Odluke

Dostaviti:

- Komisiji za javne nabavke
- EFS
- APS
- IT administratoru na objavu
- a/a

